



NASARETA MISIONA
AOAO

VAIASO O
TATALO

20

22

FA'ASOLOGA

ASO 1

Komiti o Ta'ita'i Aoao ole Ekalesia

ASO 2

Itulagi a Aferika

ASO 3

Itulagi a Pasefika-Asia

ASO 4

Itulagi a Europa-Asia

ASO 5

Itulagi a Meso-Amerika

ASO 6

Itulagi a Amérika I Sauté

ASO 7

Itulagi a Amerika-Kanata

FAATOMUAGA

Mai lava ile amataga, sa tatalo le mata-galuega Nasareta Misiona Aoao (NMI) a le Ekalesia Nasareta mo le lotu I le Kelope. E 164 atunuu o le lalolagi ua iai nei le lotu Nasareta. Ile avea ma Ekalesia o le Kelope, ua mafai nei ona galulue faatasi e siitia I luga itu tino uma I le tatalo. O lea foi manaoga e taua tele I le Ekalesia Nasareta. O le loto mo le galuega o le malo ole Atua I luga ole foga eleele, o le agatotonu lena ma le fatu o le Ekalesia. I le amataga o le tausaga 1887, sa amata ai talotaloga mo misiona, ua tupu ma fua tele ma avea ai loa ma Aso tatalo ile lalolagi. O lea foi galuega tatalo ile lalolagi, ua tupu ma ola I le Ekalesia. O le aso tatalo la o le lalolagi ua pa'u nei I le Aso Faraile muamua o Mati I tausaga taitasi.

O le 1996 na faatasia ai le galuega faa-misionare ile faatauaina o le vaiaso tatalo e faatasia ai Nasareta uma I le lalolagi ina ia siitia I luga o tatou uso ma tuafafine I le tatalo. O lo'o faatasia foi ma uso ma tuafafine I fafo atu o le Ekalesia Nasareta, e ala ile faatau o le vaiaso tatalo I le vaiaso lava lena o le aso tatalo ole lalolagi.

ASO 1

KOMITI O TAITAI AOA O LE EKALLESIA

I le lua tausaga talu ai, na matua iloga ona afaina la tatou Ekalesia Aoa o ile fa'amai pei ona afaina ai le lalolagi atoa. A'o mafatia ma afaina le Ekalesia, ae sa maitauina pea auala sa faia e Ekalesia ma avanoa na la'asia ai ma fa'alagolago I auala fou mo le auauunaga e sailia ai pea tagata ina ia avea ma so'o fa'apei o Keriso I le lalolagi. E matele lava ina lala mua faifeau I le fa'atinoina o galuega, aua lava le naunau ina ia maua tagata mo le malo ole Atua. E mana'omia e faifeau la tatou tatalo ma la tatou sapaapaia. Ua le la vava latou, ma e matua mana'omia lava le fa'amalosi fa'apitoa mai le Alii, ae maise foi le fa'amalosi mai le fanau ale Atua.

Tatou manatua foi o tatou taitai fa'a Itumalo, taitai fa'a atumotu, taitai fa'a Itulagi ia tatou tatalo. O lo'o galulue e tau fuafua ma fa'atulaga a latou galuega ma auauunaga, ina ia fa'aauau pea le alualu o a latou galuega fa'a faifeau mo le talalelei. O loo mana'omia e le lalolagi le fa'amoemoe ola lena, ma o le talalelei foi lena, ole feau taua o le talalelei e a'afia ai olaga mo le ola lelei.



Matou te fa'aauau pea le tu'uina atu ole Malaga ole Alofa Tunoa fa'atamilo ile lalolagi. O lena fa'amamafa ole Fa'aso'oina mai le alofa puipua o le Atua, le alofa fa'aola, le alofa fa'apaiaina e fa'atulagaina ai olaga o tatou tagata. I le isi itu ole ese'esga o tausaga, tatou te galulue mo I latou e mana'omia Iesu Keriso. Pe oni fanau laiti I totonu ose nofoaga ua tu'uese ai fanau I totonu o Aferika, pe mo I latou foi ua sa'oloto ma o ese mai, ma ua iai nei I



ASO 1

KOMITI O TAITAI AOA O LE EKALEZIA



totonu o Amerika, o lo'o galue le Atua. Tatou te mana'omia pea ona tatalo mo avanoa ma auala e fa'alatele ai le fa'aso'oina I le lalolagi Aoao.

Matou te tatalo ile Alii, ina ia fesoasoani ma fa'aauau pea le tufaina atu ole feau ole talalelei fa'atatau ia Iesu Keriso ile lalolagi Aoao. O lo'o tele fa'afitauli ua fetaiai ma I tatou I nei ona aso, e a'afia ai tulafono fa'alevaomalo ma le faigata ona tuuina mai fa'atanaga mo pepa e tatau ona iai. Ae ole taimi

nei lava, o tatou na vala'auina e tatou te auai ile aveina ole feau sili, ole fa'ailoa atu lea ma ta'u I tagata uma ole lalolagi, o e o lo'o manaomia Keriso. Mo nisi, o totonu lava o lou siosiomaga, ae mo isi ua vala'auina e sopoia atu isi atunuu mamao, e ta'u atu ma fa'ailoa iai Iesu Keriso. O Mario ma Irma Martinez, na la talia le vala'au ma tu'ua ai o la aiga I Amerika I Saute, ae malaga atu ile Konetineka o Aferika e auaina fa'a misionare. Ua fa'aaogaina e le Atua I la'ua I lona lava mana ma afaina ai nu'u ma alalafaga o lo'o auaina ai I la'ua mo Iesu Keriso. Amene!



ASO 2 ITULAGI A AFERIKA

VIIGA

Viia le Atua mo nisi o sauniga o fa'au'uga na feagai ma le matou itulagi: Cote d'Ivoire, Aferika I Saute, Mosamapiki, Anekola, ma Cape Verde. Na matou fiafia ma fa'afetai ile fa'aaogina pea e le Atua ma fa'aavau lana vala'au I olaga o tagata Aferika. O Ekalesia I Aferika, o lo'o tali atu ile vala'au atoa foi ma le matua fa'a-le-agaga.



Cote d'Ivoire



Aferika I Saute



Mosamapiki



Anekola



Cape Verde

ASO 2 ITULAGI A AFERIKA

VIIGA

Na matou fa'amanatu fiafia ma fa'afetai ina ua aulia le 120 tausaga fa'ailoga o le taunuu mai ole talalelei e ala ile Ekalesia Nasareta I totonu o Cape Verde. O lenei sauniga fa'amanatu na amata I le nu'u o Sanatiako, e 1,000 tagata na avai, fa'apea foi ma e mavaluluga ole nu'u sa avai. O le pogai tonu ole sauniga fa'amanatu na fa'atino ile nofoaga o Parava Isla, ile nofoaga tonu na amatalia ai galuega ale Ekalesia a le Nasareta I totonu o Aferika ile 120 tausaga ua mavae e le Susuga ia Rev. Joao Jose Dias, o le na fanau I Cape-Verdean ae na malaga mai I Amerika, suia ai lona olaga ona toe avina lea ma toe foi e tufa le talalelei I ona lava tagata. Na ia fetai ai ma puapuga ma savaga ile amataga, ae na fa'amanuia le Atua ile atunuu. O le aso lenei, o le Ekalesia I Cape Verde o lo'o fa'amanatu ai le 120 tausaga.



ASO 2


ITULAGI A AFERIKA

MANA'OGA

Tatalo mo agafeso'otai fa'apolokiki ma fa'afitauli o tamaoaiga I totonu o le nu'u o Eswatini o lo'o ua mafua ai solo tete'e ma sivili vevesi o lo'o tutupu. Tatalo mo le filemu I tagata lautele ma taitai ole atunuu.

Tatalo mo le filemu I totonu o Ifiopa. Tatalo mo taitaiga I itu uma ina taofia fa'atiga fa'amiliteli, ae ia fa'atino ni avanoa e foia ai ma maua le filemu ma le maumaututu.

Tatalo mo le fa'atinoga ole Fuafuaga Fou, ua uma ona pasia e le fono ale Komiti Aoao o Taitai e To'aono ole Ekalesia. O lea Fuafuaga Fou o le'a fesoasoani ile Ekalesia I Aferika e tali atu I le Atua I mea o lo'o faia e le Atua I lea vaitau ma lea vaitau. O le 'au ale Itulagi I Aferika, o le'a mataitu ma fa'atava ia nofoaga e manaomia ai auala ma metotia ina ia tupu ma matua ai, ae le gata I lea e fa'amalosia ai le Ekalesia I Aferika e fa'atino la latou matafaioli ole aveva ma Ekalesia e auina atu ona tagata. O le'a fa'atele le ofisa tutotonu lea I Aferika i nofoaga e tolu: Abidjan (Cote d'Ivoire), Ionasepeka (Aferika I Saute) ma Nairopi (Kenya).



ASO 3

ITULAGI A PASEFIKA-ASIA

VIIGA

Fa'afetai mo I latou ile itulagi atoa, o e ua vala'auina e avea ma misionare ma le auvaunaga fa'afaifeau atoa foi ma I latou ua amatalia le olaga auvauna.

Fa'afetai mo Ausetalia-Niu Sila ile galulue felagolagomai ma le Ofisa ole Tear Fund a Niu Sila atoa foi ma le malo o Niu Sila ile atina'eina o tupe mo le falemai I totonu o Kudjip I Papua Niu Kini. Ua latou fa'atupeina ma maua ai le aofai e \$245,000 tala Amerika e fesoasoani ile Koviti19 ma le tali atu ia Papua Niu Kini i nofoaga mauvaluluga.

Ole vaega o Filipaina-Mikolonisia, sa tapenaina se vaega tupe ma le \$4,000 tala Amerika mo Maiana e ave ile Itumalo ma le 17 tama aoga ole Asia-Pasefika Nasareta Aoga Seminalio, na le mafai ona toe foi I aiga ona ole faamai ma le le nofo lelei ma le mau tu o lea nofoaga.

O le atumotu o Sealand na latou foai taumafa e tusa ma le 4,000 I nuu a tuaoi, ile vaitau o le pipisi ole faamai, o se tasi ia o auala na tufa atu ai le talalelei e ala I galuega fa'atino. Viia le Alii!



MANA'OGA

Tatalo mo vaega taua e 5 ale Matagaluega Fa'amisionare (NMI) ina ia a'afia, fa'atau ma sapaapaia e Ekalesia fa'a-le-nuu i totonu lava ole Itulagi lea ole Asia-Pasefika.

Tatalo foi mo le atu Asia I Saute ma le Chapman Fa'avaomalo Kolisi, ina ia ausia le 500 Ekalesia, 80 nofoaga fa'aopopo mo le kolisi, ma le 15,000 tagata lotu ae lei auia le 2025.

ASO 3

ITULAGI A PASEFIKA-ASIA

TALA O LE VIIGA

Se molimau lenei a se tasi o Faifeau Nasareta I totonu o le atumotu o Sealand. Ile vaitau atoa ole fa'amai, sa ia auauna ai I totonu lava o lona nu'u, ise vaega fa'apitoa ta'ua ole 'au e tanumia tagata maliliu mai le Koviti19. E masani ona faigaluega I le leva ole po ile fa'atinoia o lea tiute.

Ina ua tupu le Koviti19 ma a'afia ai Indonesia, na amata ona matua afaina tagata uma, ole tele o tino maliu ua tanu I mea e le talafeagai ma le le tusa ai ma le aganuu. O faiga a tagata ole malo, ua toto tino o tagata maliliu, ae le'o iloa e o latou aiga, e o'o foi ile latalata atu iai o faifeau ma ositaulaga, e fa'asaina ina ia le fa'atinoia o latou tiute ile faiga o sauniga o maliu.



Ina ua maliu se tasi o a'u tagata lotu fa'amaoni lava ile Koviti19, Na ou alu lelei ile fanua tanu ma ou tutu mamao atu ma maitavina ai ua lafoai lona tino maliu pei se manu e tagata faigaluega I masini malolosi lava.

Na ou fa'atalosaga ise avanoa e mafai ai ona ou tanumia tino maliu ise auala alofa. Ina ua amata la'u galuega, e leai ma se ositaulaga poo se isi faifeau, na ofo e aumai tino o tagata na maliliu io latou aiga. Sa faia pea la'u galuega ole tanu o tagata e leai ni faifeau, e ofo e tanu nai tagata maliliu.

Na matua mamafa le galuega ona ua o'o ina toatele tagata maliliu ile 200 ile aso, I lea aso ma lea aso I le fa'amai. Ae oute fa'afetai I le Atua, ina ua mafai ona ou auauna I lo'u nu'u I lea auala.



ASO 4

ITULAGI A EUROPA-ASIA

VIIGA

Avanoa e fa'atupu ai a'oa'oga, taitaiga, fautuaga, fa'aso'oina I totonu lava ole Itulagi atoa.

O loo saunia e le Alii avanoa pupu'u, avanoa u'umi, atoa foi ma tagata lava ole atunuu mo le seleselega.

Ua fa'aaogaina I latou fa'atoa avea ma faifeau fa'auu I alalafaga e lei iai muamua ni ekalesia Nasareta.

Ose vaega 'au malosi o talavou, ua feso'otai I totonu lava ole Itulagi ma le loto naunau e tatalo ma le agaga e sapaapai ai le galuega ale Atua.

MANA'OGA

Tatalo mo le Agaga Paia ina ia galue I totonu ole malo I loto ma mafaufau o tagata, ina ia liliu ile Atua ma feliva'ina ai e ala ile mafutaga ma lesu Keriso.

Tatalo ile Atua mo lana vala'au I lea tupulaga ma lea tupulaga, o tama ma tina, ile matua ma le laititi, ina ia auvana fa'afaifeau ma faia'oga, I latou o e tu'uto po'o le fa'amaoni ile Ola Paia.

Tatalo mo le 'au talitonu ina ia ala mai I avanoa e la'asia ai I latou, ae ia taunuu I leisi itu, o lo'o iai tagata vaivai o nuu ma alalafaga e manaomia I latou.



ASO 4

ITULAGI A EUROPA-ASIA

TALA O LE VIIGA

Talavou ua tau laumua ile taitaiga ile seleselega ole malo ole Atua.

le tamaitai talavou o Ana e sefulu valu ona tausaga, e toaga I totonu o lona nuu, ua ia taitaia aoga Tusi Paia ma mau ai le avanoa e taitai ai lona tuagane

ile mafutaga maumaututu ma Iesu Keriso. Ua avea nei o ia ma tagata faigaluega o le 'au mo le "Ata mo Iesu". Na tufa mai e lana 'au le molimau lenei.



"Na matou fa'ailogaina le Aso Tutoatasi o Initia ma tamaiti mai nofoaga matitiva ma le le lelei. Sa matou tatalo fa'atasi mo lo matou atunuu, fetufa'ai tala ole sa'olotoga, ma pepese I pese. Na matua fiafia nai tamaiti ina ua uma ona fa'alogo i tala moni fa'atatau ile saolotoga o e fufusu. Ona matamata ai lea

ile tala moni fa'atatau ia Iesu po'o le Ata o Iesu ma foliga ua naunau lava iai. Ina ua o'o ile vaega ole fa'asatauroina o Iesu, ona fesili ai lea ose tasi teneititi o Jyothi, ina ua ia lagonaina le tava o le vaega lea, ua maligi ona loimata ma fa'apea mai ai, Aisea ua maliu ai fua Iesu? Na tali atu le matou 'au ile fa'amaoni o lea fesili ma fa'amatala loa iai le mafua'aga moni, ole alofa o Keriso mo ia ma tatou uma. Ile taimi nei la ua fa'amaoni Jyothi e alu ile lotu ma le Aoga Aso Sa. Viia le Atua ona o Jyothi!"

ASO 5

ITULAGI A MESO-AMERIKA

VIIGA

Ua matou tutu fa'atasi ma lagolagoina le tele o Misionare ile tasi le tausaga, nai lo isi tausaga ua mavae! O Misionare volenitia, o I latou ia ua afaina ai matou 'aai ma itumalo, ua fai ma sui ile 9,273 aso ma le 222,552 itula ua foa'i I galuega misiona ale Nasareta.

A'o tele ina afaina aiga Nasareta ma mafatia e ala ile maliliu oe pele atoa foi ma le maua ile Koviti19, e sili atu ile 18,000 tagata na tutu fa'atasi I talosaga ma faigalotu I luga ole 'ea atoa foi ma nofoaga na mafai ona fa'atino ai.

Matou te viia le Atua, ile taimi ole fa'amai toatele talavou na a'oa'oina mo galuega fa'a talavou. O le iuga na toatele I talavou o Mesoamerika, na mafai ona maua e ala ile Upu ale Atua ma tufa atu ai ia latou uo.



Matou te fa'afetai ile Atua ina ua mae'a le A'afiaga o Fautuaga Poloketi. Ole poloketi fa'aitulagi na mataitu ai, e atina'e ova ile 400 ni taitai, ina ia latou mafai ona galulue ma le loto iai, e fai ma faufautua ma atina'e tupulaga fou, ma tuufa'atasia I latou ua vala'auina e avea ma faifeau ma taitai I Aoga Aloaia Fa'afaifeau ma a'oa'oga fa'apolokalame ina.

Viia le Atua mo le fa'afouina ole Ekalesia Nasareta I totonu o Mesoamerika Itulagi ma le latou fuafuaga ole 80 aso o talotaloga 2021.

ASO 5

ITULAGI A MESO-AMERIKA

MANA'OGA

Tatalo ina ia matou mafai ona avina atu se 20 misionare I le tausaga fou I 'aai o Mesoamerika.

Tatalo ile Alii, ina ia o'o atu I 'autalavou fa'alenuu, e ala ile fa'amamafa fa'afa tausaga ale 'Autalavou ile Itulagi atoa.

Matou te vala'au ile Atua mo le Ekalesia I Mesoamerika, ina ia latou manatua pea lo latou vala'auina ma ia fa'atasi lona Agaga Paia I tagata Nasareta uma, ina ia fa'ataunuu le Feau Sili.

Tatalo mo le Ekalesia I Mesoamerika, ina ia tauave pea le agaga ole avea ma faufautua.

Tatalo mo matou, a'o matou fa'aavau ona a'oa'o, a'oga ma savali fa'atasi ai ma le Malaga ole Alofa Tunoa.

TALA O LE VIIGA

Ole Itulagi o Mesoamerika na vivii I le Atua mo le fa'amanuiaina ole fa'alavilao ina ole Malaga ole Alofa Tunoa A'oa'oga ole Fa'aso'oina po'o le avea ma so'o. Na amataina ile mafutaga fa'alea'oa'oga ale Itulagi, sa a'oa'oina e Dr. Scott Rainey ile gagana fa'aperetania, Sipaniolo, Farani, e ova ma le 600 tagata na avai. Sa tapena ele Mafutaga Fa'alea'oa'oga ia a'oa'oga ma punaoa e leai se tau. O loo fa'aavau pea le fa'asologa ole Malaga ole Alofa Tunoa I vasega o a'oga aso sa, o kulupu laiti, o a'oa'oga tai masina, ma le tele o mafutaga fa'alea'oa'oga e tatau ona toe siaki. Ua matou fiafia lava I lipoti ua matou maua ile fa'afouina ole fa'amamafa atoa foi ma le alualu I luma ole fa'aso'oina I totonu o ekalesia fa'alenuu.




ASO 6

ITULAGI A AMÉRIKA I SAUTÉ

VIIGA

Ua matou vivii ile Atua mo le poloketi o va'avaitafe ile Peruvian Amasoni. Lima va'a na fausia ma le fa'amoemoe e fa'aleleia ai galuega a Misionare ma le 'au faievagelia, mo le fa'atutuina oni galuega fou ma le fa'amalosia o Ekalesia I totonu o le itumalo o Loreto.

Ua matou vivii ile Atua ile ogatotonu ole fa'amai, ae toatele na tali atu I le valaau ole avea ma misionare ma faifeau, ma amatalia loa ona tapena ma sauniuni. I le tausaga ua mavae e 17 i latou ua fa'atagaina e avea ma misionare ma o nisi ua mafai loa ona auina atu.



Ile ogatotonu ole tuputupu pea o fonotaga I luga ole tapenafailagi, na foi mai e le Atua auala ma metotia e fa'alelei ai ona auaina I luga o auala tele vavave. Matou te fa'afetai ile Atua mo ProduSam, ose 'au o fa'asalalauga sa latou fa'atonutonu ia fonotaga ma mafutaga fa'aitulagi ma le sili atu.



Matou te vivii ile Atua mo Ekalesia fou, nofoaga e lauga ai le Upu, ma mafutaga laiti, ile ogatotonu ole fa'amai.



ASO 6

ITULAGI A AMÉRIKA I SAUTÉ

MANA'OGA

Tatalo mo aiga o faifeau ma misionare, na fetaiiai ma le faamai Koviti19, e 46 faifeau na maliliu ma malolo atu ile nofoaga e fa'avavau talu mai Oketopa 2021, ma le anoanoai oe na lavevea ile faamai. Matou te tatalo ina ia maloloina lelei pea le soifuaga, toe maua le malosi ole tino, fa'afuina le agaga ma foai pea mo lana fanau.

Tatalo mo fuafuaga fa'ata'atitia ale Itulagi mo le fa'alauteleina ole Malo ole Atua I uluai nofoaga ole 10 'aai ua atofaina. Tatalo mo misioanare ma faifeau ua uma ona iai le lusi lena ina ia o'o atu I nu'u fou la'ia.

Tatalo mo a'oa'oga fa'ata'atia ale Itulagi, ta'ua o le "Ua ou Manumalo" e saili ina ia a'oa'oina taitai, ma le Aoga Fa'aso'o (ACADi) e latou te tapena ia a'oa'oga mo auuanga i ekalesia fa'alenuu. Matou te tatalo foi mo taitai oe o lo'o galulue ile taimi nei ma I latou o le'a maua mai, ina ia a'oa'oina ma toe auina atu I masina o I luma I galuega eseese I totonu lava o le matou Itulagi.

TALA O LE VIIGA

Ini masina talu ai, ae lei o'o mai le fa'amai, na fono ai taitai o Parakei ini auala e fuafua ai ni matatia mo le fa'atutuina o nisi ekalesia fou. Na mavaluga lagona o taitai, tele ni misionare na auai I lea foi luitau tele, ma na 'au fa'atasi ma taitai o alalafaga ia ma ofoina atu I latou atoa ma loto e fa'atino ai lea fa'amoemoe. Ae o'o mai



loa le fa'amai, ma va'aia ai loa ua foliga ua leai se fa'amoemoe. Ae peitai ua amata ona va'aia e le 'au lea 'aao ole Atua. Na tapunia malumalu, ae peitai o misionare ma faifeau na fa'auuau pea le laugaina ole Upu, asi, fa'atino pea le auunaga, tatala nofoaga fou mo le laugaina ole Upu, ma amata ia mafutaga laiti. O le mea na tupu, e 11 falesa po'o ekalesia na tatala o latou faitotoa I nofoaga taitasi ile oga totonu lemu ole pesi ole fa'amai. Ia foi pea le Viiga ile Atua!

ASO 7

ITULAGI A AMERIKA-KANATA

VIIGA

Viia le Atua ile 27 misionare na auina atu mai le Itulagi lenei o Amerika/Kanata mai totonu ole 16 Itumalo ile tausaga atoa lenei 2021. Matou te fa'afetai o lo'o vala'au pea le Atua, ae o lo'o tali atu pea ma auina atu pea e o, ile ogatotonu o taimi e le'o mautinoa.

Viia le Atua I galuega taugologolo ale Galue ma Molimau Koneferenisi na faia nei ile faaiuga ole 2021. E 600 I latou na lesitala, ae ova ile 80 taitai na auai ma sui mai lea Itulagi taitasi. Ile lua tausaga talu ai, ina ua le mafai ona faimalaga ese atu I isi atunuu ole lalolagi, ae o lo'o tapena pea fuafuaga uma mo le lumanai.

MANA'OGA

Tatalo mo aiga ma alalafaga o i latou na maliliu ile fa'amai ole Koviti19, aofia ai ma Ekalesia fa'alenuu ma taitai fa'amisioanre ole itumalo I totonu lava o Amerika ma Kanata.

Tatalo mo le Ekalesia ina ia fa'aauau pea le 'aapa I atunu'u eseese I totonu lava o lo tatou itulagi, a'o fa'ailoa pea I totonu o Ekalesia fa'a-le-nuu, I luga lava ole itulagi lenei mo le atina'eina ole maloo le Atua.

Ia tatou 'au fa'atasi ma Amerika/Kanata Itulagi, ile fuafuaina o le afa miliona talotaloga tu'u fa'atasi nei ia luni 2022, a'o tatou tatalo mo le puipuia, laveaina, taitaiina, atoa ma fa'aaliga vaايا.



HALF-MILLION
MOBILIZATION

ASO 7

ITULAGI A AMERIKA-KANATA

TALA O LE VIIGA

Ia luni 2021, galuega misiona I totonu o Encuentro, e tolu nofoaga sa iai a latou 'au fa'apitoa e auaua I totonu lava ole itulagi lenei o Amerika/Kanata: o le setete o Indianapolis, Appalachia, ma Texas I Saute. O nei la 'au e ta'ua o fa'atuputupulaga, e o mai fa'atasi i totonu lava ole tatou itulagi, e auaua I totonu o 'aai ma nu'u, ekalesia fa'alenuu e ala I A'oa'oga Tusi Paia I taimi o malologa a fanau mai A'oga, taimi o mafutaga o ta'alogaga, taimi o a'oga fa'a kamuta, a'oa'oga fa'afomai mo le soifua maloloina atoa foi ma le 'aapa atu i alalafaga mo auala ma fesootaiga e maua ai mafutaga lelei. E 35 le aofai o poloketi na galulue ai 'au ia I nofoaga ia e tolu, ae 700 I latou na fa'atinoina nei auauanaga e ala i galuega agalelei na mafai ona fai.



Talu mai le tausaga 1966, o Encuentro na latou fa'afaigofie ina malaga I totonu lava o Amerika, Kanata, Mexico, Bahamas, Puerto Rico, Peru, Kuatemala, atoa foi Kosta Rika. E ova ile 250,000 tamaiti aoga, ma tagata matutua na auai ma fa'atino galuega, na iu ai ina fa'amanuaina ma e ova ile 2 miliona tamati ma tagata matutua na fa'alogo ile Upu ole Talalelei ia Keriso, e ala I fa'atinoga ma mea na tutupu I Encuentro. Fa'amolemole fa'auau pea ona tatalo mo Encuentro, a'o sauni e o atu I Appalachia ma Puerto Rico, nei ile tau mafanafana ole 2022.

VAIASO O TATALO 2022